

COVID-19 (coronavirus) A ker el monger er a bek el sandei el kirel a ongit el moruul er ngii

A llechul a bkaisemrungel a mlengai el mokirir a rechad el oureor me a rechad el oungeracheler a ureor el chelebangel a telemellel a COVID-19. [Msub a betok el nga er a llel el kirel a COVID-19.](#)

Meklou a belkul tekoi (*mlukbeches er sera August 5, 2020*)

- A "ta el sandei el dongiil" a diak doltirakl er ngii el kirel aike el ongit el mileketmokl er a March 8, 2020 me a lechub e nguriul er a tia el sils el llechul a tekoi er a bkais emrungel el kirel a COVID-19.
- A skel a ureor er chelechang a di mo ultuil er a teletael me a rechad el mo meruul a uroeor. A omouchais el kmo ngdimlak a skel a ureor el mrelii a diak bol uchul e bol meioud a ngesou el molengit.
- [Moruul er a ongtim era online](#) a mereched er a omousbech a dengua. A kiomes er a kma el klou el ildois er a rechad el omekedong me a usbechellel a dengua a kmal klou, me tebetok el okiak a mo diak el sebechir el okiu a dengua e longedecheduch er kemam.
- A obengkel aike el ker el blechoel nga er ngii er a UI el kirel a ongit er a bek el sandei el ulecholt er iou, ea rechad el meruul a ongterir el kirel a ngesou el Pandemic Unemployment Assistance (PUA) a kirir el [onger a lmuut el bebil er a ker el mo oterekeklii a kmo te mera el redemelel a melai a ngesou me alechub e ngdiak](#). Tiang a llechul a federal el kirel motirakl.

Bo er a [Llel el kirel a ker me lomakrael er kau el kmo ngsebechem el melai a ngesou er a PUA me a lechub e ngdiak](#)

Ker el kim oker el kirel a ongit er a bek el sandei

A ker el kimoker sel omoruul er a ongtim a le bek el sandei a di osisiu alta e kemeruul er a ongtim el okiu a online a lechub e ngokiu a dengua.

- Kau ngmlo sebechem el nga er a urerem e oureorer er a bek el sils?

- Asekum ngdiak moureor el COVID-19 a uchul me a ureor el moureor er ngii a milngesimer me alechub e ngklou a techellem el nguu a COVID-19 me te silbedau el kmo ngmo kirem el meleakl er kau er a rebek el chad, e kau a dirk kirem el onger el “Choi” er tia el ker.
- Ngmleblak a rengum el osiik a ureor el uaia ikel mildung el eko er kau, er a chelsel a tal sandei el uldimukl er a taem el moruul er a ongtim?
- Eng di mereko asekum eke ngiluu a kengei el mengiil el telkib el taem, ma omolai a ngesou el kirel a chad el diak loureor me kau a kirem el mo blak a rengum el osiik a ureor.
 - **Aikakid a bebil er a uldasu el ngosukau me ke kutmeklii a ngerchelem el osiik a ureor er a chelcha el klou el bridel a COVID-19:**
 - Mosiik a ureor el okiu a [WorkSourceWA.com](https://www.worksourcewa.com).
 - Mosisebii a babilengem el kirel a skel a ureor er a search engines el uldimukl a uaike el Indeed, CareerBuilder me a Monster, el kuk di bebil er a basio el sebechel ngosukau.
 - Momekedonger a rechad el oungerachel a ureor el modengelterir el osiik er a rechad el kirel a ureor el ngar ngii.
 - Mngai a babilengem sel mreku aikel rolet a omesuub el sebechem el teloi er ngii el mleketmokl el okiu a [WorkSource](https://www.worksource.com).
 - **Uleklatk:** Aike el ureor el moruul a babilengem el kirel a ikel mla ta el moruul el ureor, mla ta el mosuub el kirel el ureor a lechub e kemla nguu a skulel ngii el ureor. Tiakid a belkul a kmo ngungil el ureor el kirem.
 - A kidirrek el ousbech a ngiidil omelasem er a skel a ureor el mkiltmokl me borsebechem el otireklii a llechul a skel a ureor sel kibo molterekokl er a kmo ngsebechem a lechub e ngdiak el sebechem el melai er a ngesou el kirel a diak loureor el chad er a bek el sandei.
- Asekum ke onger el “choi” el mo er a ker el kmo ng blak a rengum el osiik a ureor e kau a diak a ungil uchul me lak motireklii a llechul a skem er a ureor, meng mo keriol a lmuut el bebil er a ker el eko er kau. Ngkirem el ochotii el kmo keriruul aike lulterekokl el ildisel a skem er a ureor el obengteriri a rechad el oungerachel a ureor lulekiu a ta er a rolet alechub e komle kabengebeng a medemiu el kirel a skem er a ureorer a bek el sandei (er a [WorkSource](https://www.worksource.com) alechub e nga er a [Skel a Ureor er a Merikel \(American Job Center\)](https://www.skelaureor.com) el nga er a bebil er a state), e kau a ngilai a ika el rokui el tekoi el kirel a skem er a ureor e osiseb er a skel a ureor (job-search) log er kau.
- A chad el meruul er a ongtil e ngdi diak el ngar er a chelsel a state a dirrek el kirel kutmokl e lemuches el rokui aike el skel a ureor el riruul er a bek el sandei el nga er a ongtil.
- El kirir a rechad el oungerachel a ureor el mulengedecheduch er tir, e ngkirem el ouchais aika el mo medung el kirel a derta er tir el ngii a om

liluches er a taem el mosiik a ureor me nga er a job-search log er kau el uldimukl a: sils era omongedecheduch er tir; ngklel a ureor me a cherrungel el ngklel a basio el tia el ureor a nga er ngii; lambang er a dengua alechub eng email er a ureor; ngera mle rofel omongedecheduch er a chad lonngerachel er a ureor; ngklel a chad el mulengedecheduch er ngii; me a ngera el bedengel a ureor a omulsiik er ngii.

- A ble lekabengebeng a medemiu el kirel a ngii dilengerang (ngar er a [WorkSource](#) me alechub e ng [American Job Center](#) el ngar er a tar er a state), eng mo kirem el ouchais a ika el mo medung el nga er a job search log el kirel a derta el skel a ureor el mriruul: a sils, ng obis me a teletelel a blekeradel el mlo er ngii.
- Kultngakl a ngii dil techall er a ureor a lechub e ngmlo diak bom dum er a taem el mle kirem el mo er a interbiu er a ureor?
- Ngmla ta el moruul a babilengem el mo melai me a lechub e ke mla tal omnguu a ngesou el kirel a chad el oureor el chilbengeli a oberoed el meknjit el omeruul el mlo er ngi?*
- Ke milruul a babilengem el kirel a lechub e ngmla er ngi a mengodech er a udoud el mosuk le ngdikea moureor el rekim a uchul loltirakl a llach?*
- Ke mla nguu alechub e ke mo nguu a kerrekerengem el e kuluureor er a sils el diak a ureor loltirakl a llach el mla er a chad el moureor el mo er ngii el kirel a ngii dil sils er a chelsel a tal sandei el kau a meruul er a ongtim el kirel?*
- Ke mla nguu alechub e ke mo nguu a kerrekerengem el e kuluureor er a taem el kirem el nga er a ulengull el mla er a chad el moureor el mo er ngii el kirel a ngii dil sils er a chelsel a tal sandei el kau a meruul er a ongtim el kirel?*
- Ke mla nguu alechub e ke mo nguu a ududem el di dimlak moureor a lechub e a chad el moureor el mo er ngii a tirrebengau er a ureor el diak a meknjit el mirelli me te mo omdoud er kau alchub e ke mla udeuudel el kirel ngii di el sils er a chelsel a tal sandei el moruul er a ongtim el kirel?*
- Kemla teloi er a ureor el omiich a dilubech el tekoi el kirel a telemellel a llach er a blai er a kerrekeriil?*
- Ke uluureor el kirel a Tekoi er a Klsoldau (Military Reserve) alechub a Klekerngel a Beluu (National Guard) el betok er a cheliloil el okeuid me a eru (72) el sikang?*
- Kau kuluureor er a siobai er a bedengem?*
- Kau kuluureor el mo er a ngii dil chad el oungerachel er a ureor er tia el mereko el tal sandei?*

*** Mouchais a kerrekerengem er a ta el sandei er omoureor el kirel, diak el nga er a chelsel sel sandei el omngilai a kerrekerengem.** Mouchais er a cherrengelel a ududem er a uchei er a lemengas el mo er a lebo er ngi. A chad el oureor el mo er a urerel er a bedengel, a ouchais a ike el mo medechel el kerrekerengel er a uriul er a

lemengas a ikel kirel mengar er ngii el ududel. Ke dirrek el bo loker er kau el kirel a uldekial a sikang er a chelsel a ta el sils el mudeuudel el kirel.

A Tebedellel a Kerrekrenghem el Nga er a Chart

A bo lengesukau el mo bleketakl er a rengum a kmo ngtela a mo mengas er a chelsel a ongtim er a ta el sandei, e mosiseb a lechub e kedownload er a [ikel bololas er a Tebedellel a Kerrekrenghem el nga er a chart](#).

Alsekum kuluureor er a ngii dil taem er a chelsel a tal sandei e mkeltmoki el ouchais el kirel aikal mo medung:

- A ildois er a kerrekrenghem er seikid el tal sandei, alta e ngdirkak mudeuudel el kirel. (Kerrekrenghem er a ureor a uldak a rokui el roiel a lomdoud er kau a chad, terechad el moureor el mo er tir el uldimukl a ulterekokl el ildisel a udoud el mkerekerengii, dechelel a ududem el di mle sengk er a chad el moureor el mo er ngii el eko er kau, bingel a udoud el ileko er kau le ngelseuim el kirel a ungil losisebel a udoud el mei er a siobai el moureor el mo er ngii, alechub e ke melai er a omeksullem er a ureor el omnga er ngii el diak le bedengel a udoud engdi klalou engdi sel moterau tial klalou eng sel klungel a cheral meng uldimukl el di uai a lekerekerengem, me a dirrek el ildisel a udoud el omngai lengungil lurerem el mo er a chad el moureor el mo er ngii)
- Ildisel a sikang el moureor er a tal sandei.
- Ngklel a ureor el moureor el mo er ngii.
- Cherrungel el ngklel a basio me a address er sel ureor el moureor er ngii.
- A sils el mulemuchel el ureor er ngii er chelechal sandei.

A uriul er a omouchais a ildisel a kerrekrenghem

Ea ker a eko er kau, "Omomdasu e ngmo kirem el mo ureor el mo er a osisiu el chad er a ureor er chelechal mei el sandei?" Alsekum ko nger el kmo ngdiak, e ngkirem el ouchais er a uchul:

1. Diak a ureor
 - El uai tiang, a chad el moureor el mo er ngii a milengesimer er a ureor alechub e ngmilengesadel er a rechad el ureor ele ngmlo diak lungil el merael a ureor a lechub e ngtekoi el tilobed er a public health eleng bridel a COVID-19 a uchul.
2. Mlengesadel a sikang er a ureor ele ngdiak a ureor
3. Mlotobed er a ureor
4. Dimle kau el mo diak moureor
5. Bebil er a uchul

Nga er ngii a lmuut el roiel a omengereker er kau el kirel mouchaiis?

Alekum ngdiak mungil medengei el kmo a kerrekerengem a kired el ouchaiis el kirel, e momes aika el beldukl er a llel el 27-28 el nga er a [Hong er a Ulekrael el Kirir a Rediak a Urerir](#) (PDF, 2.9MB).

Sel monger a rokui el ker el eko er kau, e ke mo rongesii me a lechub e kemesa tekoi el me tuobed, "**A ongtim a bla le kengei er ngii.**"

A kerreker el kired el ouchaiis a uldimukl a:

1. A uldekial a rokoui el udoud el siliseb er a siobai er a bedengem.
2. Omngilai el tekoi el ulemtechei a bedengel a udoud uldimukl er a blai el lengiil a lechub e ngbasio el kiei er ngii a chad me a kall el obengkel.
3. Dechelel a udoud el omngilai ele ngungil el urerem er a chelsel a sel tal sandei a uchul.
4. Sbesel a udoud el mngilai el kirel a ungil urerem.
5. Udoud el lulengkad er kau er a taem er a ureor alta ke mla er a ullengull er a ureor, ngikel sils el diak a ureor Ioltirakl a llach er a kabelment, me a ulengull er a ureor el omnga er ngii el secherem a uchul.
6. Kerrekerengem om nga er a Ureor er a Klsoldau (Military Reserve) me a lechub eng Klekerngel a Beluu (National Guard) asekum kuluureor el betok er a edei el cheliloil el sils.
7. Te ulemdoud er kau el kirel a urerem el teloi el omiich a tekoi el kirel a telemellel a llach er a blai er a kerrekeriil.
8. Kerrekerengem loureor el mesuub el nga er a state (diak luldimukl a udoud el mla er a Title IV).
9. A longkad er kau el udoud a chad el moureor el mo er ngii, a uaikel ududem el dimlak lebeskau er a mla memo el taem (uldimukl aikel mle kirem el luduudel er ngii el taem le ngmla er ngii a telemellel a bedengem meng mlo diak moureor a lechub e ongtim mete mengkad er a kau el mla er ngii a uchul el diak luldimukl er sel ruul el ildisel a udoud el mosuk er ngii sel omudeuudel) el kirel aike el sandei el molengit a ngesou el kirel.

Alekum ke rulli a cheleuid er a ongtim a le bek el tal sandei

Alekum ke rulli a cheleuid sel moruul er a ongtim a le bek el tal sandei, em luut el omuchel er a uchelel el meruul er a ongtim er a ngii di el taem el mol muut er a omesang a lechub e mrengesii a, "**A ongtim a bla lekengei er ngii.**" Nga er a chelsel a oumesind el tekoi, eng mo er ngii a techellem el remuul el mo melemat aike el mle cheluid er sel taem el molsiseb er a babilengem me bol sebechem el melai er ngii.

Alekum ke metik a cheleuid el mriruul **er a uriul er a** kibla mnguu a ongtim el kirel a derta el sandei, e ngkirem el omekedong e mengedecheduch er ngkel chad el omtechei er kau el kirel a ongtim. Momekedong er a [800-318-6022](tel:800-318-6022) me luklemalt aike el cheleuid. El

kirel a temel me a lmuut el omesodel a basio alechub a obis er omengetmeklel a ongit e bo er a: <https://esd.wa.gov/unemployment/unemployed-workers-contact>

A bolak motirekllii el omekedong er a basio el kirel a omengetmeklel a ongit mel semechokl a cheleuid el mriruul er a ongtim a sebecchel mo uchul [ke nguu a klou el ildisel a udoud er a ikel mle kirel ngesou el me er kau](#) me a ngesou el mullengit er ngii a diak bo mnguu a kengei el kirel.

A ker el kimo ker er kau el kirel a ongtim er a PUA a lebek el tal sandei

Aika el ker a ngar er ngii el kirel omesodel a COVID-19 el uchul me a chad a mo sebecchel melai a ngesou er a PUA. A nger er kau bo le klemerang el mo er a ike el ker. Aikal ker a kirel monger a doltirakl er a llechul a CARES (CARES Act) me a ongit el kirel a ngesou el ngar er ngii a temel e a U.S Department er a Labor a mo merritel. Alsekum ngmla mo diak el sebecchem el melai a ngesou er a PUA, e ke locha mo redemelel el sebecchem el lmuut el meruul a babilengem el kirel a ngesou el mo er a chad el diak loureor el ruumesingd el chad a meruul a babilengir el kirel.

Aika el ker a kmal di mo kirel sel sandei el kau a meruul er a ongtim el kirel. Aika a dechelel el ker a el kirel a ongtim el mo er a UI a lebek el ta el sandei. Aika el ker a omonger el choi me a lechub eng diak. A [ulekrael el mo er a rediak a urerir el kirel a COVID-19](#) a ouchaiis a lmuut el omesodel el kirel longer aika el ker el omuchel er a lluch me a eai (28) el llel.

Alsekum ke ulsisebii a PUA er kau el ongit er a bek el sandei el electronic el ousbech er a eServices, e ngsebecchem el onger a ikal el ker ek kirel a kmo kerredemelel a ngesou el nga er a online. Alsekum ke mla rullii a ongtim el ousbech er a dengua er kemam el mla meketmokl el di ngii el mengedecheduch, e a ki mo odurokl le ko er kau a ker el kirem el onger e mluut el odurekllii el merkemam er sel rechedem. Ngkiram el nguu a nger er kau, e oureor el ousbech a nger el obeskemam me kibo modengei el kmo ke redemelel a ngesou er a PUA a lechub eng diak. A ki locha mo meskau a bebil er a ngesou el di mo ultuiil er a bebil el uchul er a chelsel a taem el ki mongiil a nger er kau, engdi alsekum ng diak kim ngai a nger er kau er a ikal ker el kirem longer, e ngmo kirem el oluut a ngesou el udoud el mngilai. **A ker a sebecchel mo telkib el mengodech alsekum ke meruul er a ongtim a lebek el sandei el ousbech a dengua. Me aki kma el melisiich ra kmo moruul a babilengem el kirel a ongtim er a PUA er a bek el sandei er a chelsel a eServices alsekum ngsebecchel.**

[Ker me a ulekrael el kirel a ngeiul a ngeseo er a PUA](#)